

**PETRI GEMELLII
THEOLOGI
PARISIENSIS DE
CHRISTIANI
HOMINIS &...**

Petrus Gemellius



lium ecclesijs consultum uolunt, ut quantum
in ipsis est, nihil non facere, & perpeti parati
sint, quò inter Christiani nominis consortes,
sub uno omnium Pastore Romano, succes-
sore beati Petri, Christi, in terris uicario, pax
vera, apostolico caritatis symbolo obsignata,
perpetuis temporibus perduret, ut uere dici,
ædificatio & templum Dei mereamur. Hoc
ego animo præditus, Beatissime Pater, diuinâ
clementiam, quotidie imploro, quò tandem
Ecclesiæ suæ misereatur, & hos ipse motus cõ-
ponat, ac corda eorũ conuertat, qui sic, bono-
rum omnium cum offensione, in hac rerum,
perturbatione se gerunt, ut cum se pacis publi-
cæ studio teneri glorientur, omnes tamen bel-
li rationes, impudentissimè consecuntur, Etsi
enim præsentem rerum omnium perturbatio-
nem, peccatis nostris, in primis deberi candidè
fateamur, illud tamen in aperto est, illius in-
strumenta, atque adeò authores eos non
esse, qui pro Euangelio, contra heresim, pro
veritate, contra hypocrisim & mendacium,
contra suspectam nouitatem, pro fideli anti-
quitate, contra omnes aduersariorum insul-
tus, hætenus strenue depugnarunt, verũ
eos potius qui maiorum religione derisa,

omnia

omnia uel nominis, uel generis sui splendore, uel fumosis suorum imaginibus, quorum utinam corpora secuti fuissent, si corporibus uerè inclusas imagines, imitari nolissent, uel auctoritatis & fauoris excellentia, uel rerum caducarum emolumentis, metiuntur, qui tamen ut possunt, uelle deberent ex officio et gradu, quo cæteris omnibus se antecellere, & sententiæ principatum obtinere putant, afflictis & collabentibus rebus ocissimè occurrere, ne, cum uitæ præsentis periculo, populus, Christi sanguine redemptus miserabili errore inuoluatur, uel ut saltem ad maiorum suorum gloriam, infamiam non attulisse sed clarissimis ad imitandum exemplis, liberales filiorum animos, commendatione rerum à se præclare gestarum, nusquam intermoritura, excitasse uerè & syncerè gloriari aliquando posse uideantur. Verumenimvero, quando ægrè sperari potest, ut id nostris temporibus, contempta Ecclesia, spretaquæ bonorum omnium dignitate, in tanta uitæ & morum corruptione accidat, nisi singulari quodam beneficio Deus clemētissimus, nobilissimum et antiquissimum, Franciæ Regnum (cuius nescio quomodo

quomodo obsecratum est aurum, mutatus est color eius optimus) & finitimas regiones oculis suæ misericordiæ respiciat, infectas sibi lo venenosi serpentis, multorum mentes, hylopo seu sanguine dilecti filij sui aspergat, vt carnalis desiderij extinctis ignibus, salutaribus poenitentiae riuulis super niuem dealbentur, ne geminorum quasi in utero Rebecæ dissidentium Iacob & Esau, Abelis & Caini, Isaac & Ismael, Ioseph & fratrum eius tragicos & (si licet sacris prophana permiscere) Romuli quondam & Remi conditorum gentis Romanæ miserandos exitus audiamus.

Ecce, fraterno maduerunt sanguine muri.

Nihilpijs & cordatis, vt Ennij verbis utar, hominibus reliquū esse videtur, quam vt tanquā fideles serui, fascibus summissis, diem aduentus Domini patienter ac constanter expectet, pro Ecclesiæ foelici successu, pro necessaria inter principes Christianos concordia, diuinam maiestatem, sanctorum omnium patrocinijs ac meritis suffulti precentur, contra venenatas huius mundi illecebras, animos assidua sanctorum Patrum lectione præmuniant, quorum solidissimis rationibus, sacrosanctis sententijs, ita mentem impleant, vt vanis fallacibus & peruersis

sis opinionibus aditum omnino præcludant,
quorū auctoritatibus firmati, maiore in Eccle-
sia cū fructu præesse possint & ualeāt, ac de sa-
lutaribus profaturisque auxilijs, ad retinendū
Ecclesiarū omnium statum serio cogitent. Ec-
clesia enim, etsi vna est, plures tamen sub se Ec-
clesias habet, quæ se habent tanquam membra
unius perfecti corporis, sic enim & gentium
Apostolus vnā domum Ecclesiā Dei appellat:
vt autem aliqua parte domus, cui aliæ, commis-
sura, ac contignatione quadam inter se cohæ-
rent, collapsa, de reliquarum partium conser-
uatione meritò timetur, sic analogia retenta
Apostolus, Thessalonicensium ex aliorum rui-
na iacturam quasi pertimescens, inquit: Orate
pro nobis, fratres, vt sermo Domini currat & ^{2. The. 3.}
clarificetur sicut apud uos, & ut liberemur ab
importunis & malis hominibus. Non enim
omnium fides est. Nam haud dubie tūc res no-
stra agitur, paries cū proximus ardet, & uicinus
ex uicino malo, semper male habet.

Ac neglecta solent incendia sumere uires.

Ergo huic incendio, quod uicinas regiones ita
crudeliter superioribus annis inuasit, ne ad
cæteros quasi cancer serpat, commiserando
affectu, consilio & opera, occurramus, haud si-
miles

miles spectatoribus uicinæ domus conflagra-
tionis, quorum alij, quasi ad se nihil pertineat,
sedentes in porta, mouent capita, alij, etsi quæ-
rulis uocibus uicinis condoleant, nihilo tamen
celerius pedem mouent, afferunt uel referunt,
ut aquam hauriant uel deferant aut certa alia
quadam via, incendij flammam ne ad se tādē
perueniat, restinguant. Quod si naturalis fa-
uor, debet maxime laborantibus, ut in prouer-
bio est, suffragari, haud alienius fecisse uide-
bor, si apud uestram sanctitatem, de Regum
Gallorum obseruantia, erga Romanam Eccle-
siam & insigni ac assiduo defendendæ ornan-
dæque huius Sedis studio, quo ceteros ex om-
ni antiquitate longè superarunt, præmendo-
me, non nihil dixero, Non quod B.P. uestræ pa-
ternæ erga Galliæ Reges beneuolentiæ & sol-
licitudini quam geritis omnium Ecclesiarum,
commemoratione beneficiorum ac rerū præ-
clare gestarum, oratione, aliquid addi posse exi-
stimem, quippe quæ nihil aliud dies noctesque
cogitat, quàm de conseruanda fide & Religio-
ne, in locis in quibus adhuc viget, reponenda,
restituenda, in quibus naufragium fecisse pu-
tatur, sed ut condolendo, iusto dolori Illustris-
simorum D. D. meorum Cardinalium, Seno-
nensis

nensis, & Rambouilleti, respiciendo, cum
 ad illud nobilissimum Liliū, quod antea Drui-
 dum sapientia & simplicitate Gallorum, iuxta
 Beati Remigii Archiepiscopi Remen. prophe-
 tiam, sub obedientia Romani Pōtificis, syncera
 religione seruata, vigeat, florebat. tū vero, ad
 sic deformatā Galliam, patriā illis carissimā, hæ-
 rescos pruritu, sese dilacerantem, discerpentem,
 flamma & ferro deuastantem, piam, & gratam
 animi significationem, vniuersæ galliæ testarer,
 quæ me, Lutetiæ Parisiorum, iuuenem, tan-
 quam ad mercaturam bonarum literarum pro-
 fectum, multos annos liberalibus disciplinis,
 temporibus, inuictissimorum Regum, Franci-
 sci primi & Errici secundi, erudiuit, instituit, eru-
 ditum, consuetis honoribus, quibus retineri pos-
 se literarum dignitatem, nec parum excitari lu-
 uentutem, veteres sibi persuaseraut, supra æqua-
 les honestauit. Postmodum repetito, iure quo-
 dam suo, studiorū meorū fructu, docentē me, &
 concionantē, sub Francisco secundo, & Carolo
 nono, incipientibus ægrotare, & exulcerari in
 Gallia rebus, habuit. Quod officij genus à me
 præstiti, gratissimū fuisse, Academia Parisiensi,
 cōmēdatitię literę, solis benemeritis, Academia
 Rectoribus & Prytanço dignis hominibus, con-

*Greg. Tu-
ron. lib. 2
c. 30. et
31.
Emilius
lib. 1.*

cedi solitæ, scriptæ ad Reuerendissimum, fide,
pietate & vitæ integritate, spectatissimū, virū D.
Matthæum Contarellū, Sanctitatis vestræ Data
rium, abunde testantur; quarumquidem litera-
rum exemplar, ad calcem huius narrationis li-
benter describerem, nisi planè superfluum vi-
deretur, vt omnes intelligant quàm honesta ra-
tione, Academia Parisiensis, Alumnorum
suorum virtutem, apud principes viros com-
mendatione excitando, suam dignitatem haec
nus retinuerit, Quibus, obnixè rogatur vt exan-
thlatorum laborum meorum contemplatione,
me apud vestrā sanctitatem, cui omnes studiosos
esse perquàm commendatos intelligit, post fec-
licium pedum vestrorum oscula, officiosissime
& ex animo velit, commendare, ingratus
sanè ac expertus omnis sensus planè uideret,
cum nihil referat quis sit qui id officij præstet,
Burgundus, Italus, Hispanus; Neque enim agi-
tur de finibus agrorum, ditionū, vel alijs rebus
de quibus inter se principes Christiāni contē-
dunt, sed de religione, de fide, de statu eccle-
siæ, pro quo omnes sine exceptione sollicitos es-
se oportet, qui de filiatione ecclesiæ, sub iūpo
Christi Vicario, gloriantur, ingratus, inquam, vi-
deret, si infelicitati Galliæ, quæ vicinis totiq̃ue

orbi Christiano sua clade nescio quid sinistra
portendit. non miserer, Populum Chri-
stianum ex officio ad ieiunium, fletum, faccum,
cinerem & orationes, quæ in fide nihil non impe-
trant a Domino (cum nihil aliud in ista causa
præstare possim) ad sedandos Galliarum tumultus,
dicendo non excitarem, degeneres eorum ani-
mos rubore non suffunderem, qui oblit, & ma-
iorum & nobilitatis, & fidelitatis, & religionis, tra-
gicos istos tumultus, cæteris spectantibus, neuti-
quam sibi parentes, concitarunt, qui si copias
educere & vim suam cum foederatis Sancte se-
dis coniungere voluissent, contra immanissi-
mum Turcam, longè latèque imperii Christia-
ni fines dilataissent & nobilitatem a maioribus
acceptam, posteris suis insigni aliqua accessione
cumulatam reliquissent, Melitam, Siciliam, Ca-
labriam, Sardiniam, Venetias, Maiorcham, Vie-
nam & vno uerbo uicinas Turco regiones me-
tu liberassent. Hic appello B. P. contra huius-
modi prophanos, impios, sacrilegos, minaces
uultus beatissimorum Apostolorum, Petri & Pau-
li, Hic appello vindices ac ultrices manus Chri-
stianissimorum Regum Clodouei, Pipini, Childe-
berti, Martelli, Carlomani, Godofredi Billonti,
qui nulla ex re maiorem gloriam quam in frangendis,

hostibus
contul-
erunt.

Aemili-
us lib. 2.
fabell. lib.
2. eneade
2.

Anasta-
sius impe-
rator clo-
doveu, ob
Vicego-
tos et pro-
pria ma-
nu allari-
cū inter-
fectum,
Blatteā
misit et
coronam
aureā ma-
gni pōdo-
ris eūq;
per lega-
tos salu-
tat Chri-
stiani no-
minis de-
fensorē, li-
beratorē
Imperii
et gene-
ris huma-
ni patrē

ac domandis religionis catholicæ hostibus, de-
fendendaque Apostolicæ sedis dignitate pepere-
runt. Nec credo gentem in toto orbe terrarum
posse nominari, quæ apostolicæ sedi laboranti
tam sæpe subuenerit, eamque Tyrannorum in-
iuria oppressam non in pristinam modo digni-
tatem restituerit, verum ita restituerit, ut nulla
alia tam multis ornamentis, tam firmis præsi-
dijs, affecerit, munierit. Ob quæ præclare forti-
terque gesta, ab Imperatoribus Rom. maximis
muneribus donatos, a summis Pōtificibus egre-
gijs nominum titulis illustratos, priuilegijs au-
ctos, prærogatiuis, singulari fauore nobilitatos,
nemo est, qui uel historia uel auditione aliqua
non acceperit. Quæ omnia si uoluerō percen-
sere numerando, quid primum, quid postremū
eloquar non uideo. Ergo B. P. perge ut facis; &
Galliæ Reges paterna beneuolentia & caritate
complectere, Recordare quod semper a Clodo-
ueo, uiguit in Regibus Galliæ iuuandi ecclesiæ
ardentissimum studium. Quandocumq; enim
tempora tulerunt se regnumque suum in aper-
tum discrimen conicere maluerunt, quam labo-
ranti sedi & ecclesiæ deesse. Considera B. P.
quod hæc Hugonotæ pestis ex colluione
omnium nationum & hæreseon collecta, quæ in
Gallia

Gallia tam crudeliter grassatur, triumphare de
Regibus Christianis nō potest, quin uicinarum
omnium cum periculo et errore, potentiam, &
auctoritatem in discrimen adducat, Perge, in-
quam, communis omnium nostrum Parens, &
Pastor, prouidendo paci omnium prouinciarū,
propitiatorio sacrificio, ut soles, Deum, dissimu-
lantē hominū peccata propter poenitentiā, ex-
ora, ut tibi commissæ oues, dignis flagellis casti-
gatæ, in sua misericordia respirent, ut salutari
poenitentia ad illum conuersæ, benedictione cœ-
lesti accepta, a cunctis mentis & corporis peri-
culis defensæ, non ultra dentur opprobrium in
gentibus, ut dominantur eis exteræ nationes, &
dicāt, ubi est Deus eorū? Perge, inquam, B.P. Nā
serò medicina paratur, Cum mala per longas in-
ualuere moras, & sero nimis defugando Anni-
bale ad portas stante inter ciues deliberatio in-
stituitur. Ecce Tempus & cōcussæ Regionēs in-
uitant, urget Religio, clamat in cœlum vox Po-
puli, Pietas suadet, Caritas exoptulat, quā
miserè totus mundus gladio feriat, aspicietis,
quibus quotidie persecutionibus populus inter-
eat, auditis, Ecce depopulatas Vrbes, euerfa Ca-
stra, & Monasteria destructa, In solitudinem
agros, propediem reducendos: Sic enim, Francus
Agricola

Eclo. 1. Agricola, cum Tytiro virgiliano, quæritur.

*Impius hæc tam culta noualia miles habebit
Barbarus has segetes? en queis conseruimus agros
Inferere nunc Malibee puros, pone ordine Vites*

Lib. 7 Vt iam iam, sic vndique tumultuante orbe terrarum, a nobis merito repetenda videantur, quæ de insigni Romani Imperij seditione, magis orator, quam poeta, Lucanus versibus expressit.

*Trepido confusatumultu.
Castra fremunt, animique truces sua pectora pulsant
Istibus incertis, multorum pallor in ore
Mortis ventura est, faciesque simillima fato
Aduenisse diem cui fatum rebus in ænum
Conderet humanis & queri Roma quid esset
Illo Marte palam est: Sua quisque pericula nescit
Attonitus maiore metu.*

Quamobrem, vt hanc pietatis regulam ipse pro mea tenuitate sequer, hanc consolandæ, & iuuandæ reipublicæ Christianæ rationem, meæque professioni quam decentissimam fore putavi, si in summa desperatione, & conclamatis multorum relatu & literis Christiani Imperij in Europa rebus, in Germania quidem, Polonia, Venetia & alijs ex vicinia immanissimi Turcæ, in Anglia verò, Scotia, Belgica,

ca, & Gallia partibus ex internis, & domesticis inter seipſos diſſidijs, Populum Chriſtianum ad implorandam diuinam miſericordiam, & ſtendendam eius vindicem iram, ſerio prophetarum doctrinam inſequenti, veterumque Chriſtianorum ad noſtra uſque tempora, ex ſacris ſcripturis in memoriam laudabilibus exemplis recolendo, ad ieiunium, orationem, eleemoſynas, potentiſſimas ad Deum placandum machinas, non minus ex officio, quam ex ſyncero pietatis, & caritatis affectu, mihi cum omnibus uerè Theologis cariſſimo, hoc tempore cohortarer, non parum excitatus ueterum Gallia Regum exemplis, qui ſentiētes ſe Monachorum ſuffragijs, ac Sacerdotum orationibus, non medioeriter belli pacisque tempore adiutos: Xenodochia, Cœnobia pulcherrima fundarunt, Episcopatus ac ſacerdotia plurima magnifica largitione dotarunt, ut dies ac noctes, Diuinam Maiestatem, uiri religioſi coniunctis animis precando, pro ſælici Regum, & rerum gallicarum ſucceſſu facilius exaudirentur. Quod equidem conſilium quantum Reipublicæ gallicanæ profuerit, gallica teſtabitur hiſtoria, Philippus enim Auguſtus, collatis, cum Ottone Imperatore ſignis,

gnis, ubi Lutetiam Parisiorum, uictor, redisset, felicemque belli exitum, primoribus regni commemorasset, dixisse fertur, Miratum se aliquando, quod sui Maiores thesaurum Ecclesiae tanta bonorum ac dignitatum accessione cumulassent, Nunc uero, minimè miraturum se, quin potius, pie, à maioribus inchoata, instituta, aucturum, confirmaturum. Petrum Bertrandum, Eduensem, clarissimū suo tempore Iuriscōsultū, qui & causam egit Ecclesiasticorum coram Philippo Pulchro, contra Antropomorphitam illum, Petrum de Cugnerijs, cum de Sacrilego quodam & oppressore sacerdotum, ageretur multis ostendisse dicunt, hanc vel vnā rationem esse, cur Franci, tam prompto animo suis Regibus obsequerentur: Quod nimirum populus sacerdotes summa veneratione complecteretur, & Reges in omnibus se patronos ac defensores ecclesiarum, & sacerdotum, ut ueros ecclesiae filios decebat, preberent. fretus denique paterna, & summa erga nos Sanctitatis uestrae clementia, cui me tantū debere fateor, quantum quouis hominum, cuiquam post Deum se debere planè & gratulanter fateri & agnoscere posse uideatur. Nihil dicam ampliùs, Præstat enim

hoc

hoc apud Deum agere, quàm apud homines,
satis gratam animi, pro tam multis gratijs, si-
gnificationem uerbis explicando, non asse-
qui, Quandoquidem nullo augmento glo-
riæ opus habet principatus uester, ut ne-
que splendore Lucifer: Si verò nonnihil aug-
menti ad gloriam vestram, Beatissime Pater,
quæritis, non potest certe ista, cuius nunc offer-
tur occasio, maior, illustrior, Deoque propin-
quior, obtingere.

Duo sunt, Beatissime Pater, quæ a Theologis,
qui a diuinis oraculis, nō ab humanis opinionibi-
bus, appellationē sortiti sunt, quæ pro concessa
diuinitus gratia, præstari debent: vnum rerū di-
uinarum scientia, alterū Christiani hominis of-
ficiū, Verum, cum sit rerum arduarum, & pau-
corum scientia, & huiusmodi, vt ea, maxima ex
parte, homines, citra suarum animarum iacturā
carere possint: officiū uero tale sit, vt sit omni-
bus & cognitu & præstitū ita necessariū, vt qui
eo careat, eū salute quoq; carere oporteat. Ideo-
que Theologorum parentem, & Magistrum
Christum, de salutari præceptorum, & mandato-
rum obseruatione coram discipulis locutum, *Matt. 9.*
non solum docuisse accepimus, qui contra uel
minimum horum præceptorum fecerit, licet ita

C doceat

doceat homines minimus in regno cælorum.
Qui uero præstiterit & docuerit magnus uo-
cabitur, sed & ipsum re & exemplo primum
comprobasse, ut nimirum ostenderet, regnum
Dei non esse in fermone, sed in ostensione uir-
tutis Dei, stabiliendamque euangelicam præ-
dicationem duobus, exemplo, scilicet operan-
do, & verbis, prædicando atque iubendo. Veris-
simum, sanè illud est, maxime, in ea Philoso-
phiæ parte quæ ad vitam & mores spectat, virtu-
tis laudem omnem, in actione consistere: Quã-
doquidem factores legis iustificandi sunt, non
auditores tantum. Neque enim scientiæ ratio-
nem exposulauerit Dominus, cum ynūquem-
que pro suis factis, in die iusti Iudiciij corona-
bit, Itaque uas electionis. Paulus, In doctrina
fidei, nihil licet hæsitaret; Timeo, inquit, ne
eum alijs prædicauerim, ipse reprobus efficiar.
Tanti momēti est ipsa officij ratio ad salutem,
tam utilis & efficax vitæ ratio, quæ doctrinæ
præceptis respondet, ut idem Paulus, constan-
ter concludat, primas tenere, duplicique hono-
re dignos esse presbyteros, qui rerum diuina-
rum mysteria, & arcana ita docent, ut summam
negotij partem in actione & officio positam
arbitrentur, Vt enim in Milite Synesius ma-
num

Rom. 2.

1. ad
Timo.
cap. 3.

Synesius
in epist.

num desiderat, ita in Christiano, quisquis ille sit, non nomen, non lingua, sed vitæ, & officij ratio, imprimis, spectanda est. Quis enim ingenuè loquendo perfectum Christianum, & multo minus Ecclesiastem dixerit; quem sciuerit cessatrici desidiæ deditum, vix unquam, uel serio quæ Christiano conueniunt, cogitasse? quem tam multa, quæ hisce hominum malitiæ, exulceratissimis temporibus, occurrunt, conuiuentibus oculis, Talpa cæciorem, dissimulanter præterisse cognouerit? cuius hanc esse (præter illam cõmunem cum cæteris Christianis) officij partem, sacræ literæ, Concilia æcumenica, consuetudines Ecclesiarum, Sanctorum Pontificum decreta, apertè demonstrant, pro ratione nimirum, temporum, locorum, qualitate personarum, & criminum, docere, mouere, terrere, consolari ac cætera omnia facere, quæ non minus prudenter, quàm scienter, ad omnium salutem iudicauerit expedire, Cum ad multa alia se se conuertendo, tum ad has, & similes Dei Omnipotentis propter silentium comminationes: Quasi vulpes *Ezechiel*
in deserto prophetæ tuī, Israel, erant, non *13.*
ascendistis ex aduerso, neque posuistis uos murum pro domo Israel, ut staretis in prælio in do

mo Domini. Et Prophetæ tui, uiderunt tibi falsa & stulta, nec aperuerunt tibi iniquitatem tuam, ut te ad poenitentiam prouocarent. Hinc est quòd tam sollicitè Apostolus, ad Titum discipulum scribens, ab Episcopis efflagitat, ut potentes sint in doctrina sana exhortari, & eos qui contradicunt redarguere: Quæ duæ Evangelicæ prædicationis principes partes esse uidentur, & in quibus, tam strenuam nauarunt operam & ueteris testamenti patres ac prophetæ, & quasi medius Ioannes Baptista, quique eum secuti sunt, diuino afflati spiritu (cuius inter cœtera hoc prolusorium fuisse officium certissimum est, arguere mundum de peccato, de iudicio & iustitia, ut Spiritu accepto in linguis igneis Apostoli, per quos Christus Ecclesiam suam erudiuit, & qui secuti sunt ad nostra usque tempora Doctores, ad utilitatem publicam Christianorum, omnes suas cogitationes conferendo, tam diligenter, in medio generationis prauæ & adulteræ peregerunt, ut credentes non esse alligatum verbum Domini, peccantes publicè, coràm omnibus arguerint, opportunè, importunè, increparint, ut et ceteri timorem haberent, et per prophetas Dei comminantis indignationem effugiendo, ne

1. ad Ti-
mot. cap.
1.

gra-

grauior propter silentium à uiolatoribus mada-
torum, condemnationis pœna exigeretur, po-
pulum ad pœnitentiam corripiendo prouoca-
runt: Cuiusquidem partis, quæ in reprehen-
sione posita est, actio, cum ad sui cognitionem
pulcherrima et ad moderandos corporis et ani-
mi affectus necessaria sit, tum executio semper
difficilis et perobscura extitit (vt in ea parte
pauci, à suspitione errati etiam remotissimi, vi-
deantur inter homines foeliciter uersati) Pleri-
que enim ex caritate correpti, ad iniuriam con-
tumeliæ pertraxerunt, odium et inuidiam faci-
le conciliat, qui sibi ex officio in vitam et mo-
res aliorum dicendum statuit. vt enim: Mun-
dus hic assentatores non amare; ita reprehen-
sores, qui testimonium perhibent de illo
quod opera eius mala sunt, non odisse non po-
test: Sic enim vt inquit Chrysostomus, Malos
qui monet offendit, et incurrit odium qui re-
darguit criminosos, Innocentiæ inimicis sem-
per odiosa fuit libertas: Nam uirtus contraria
uitiosis, exosa sacrilegis est sanctitas, Inimica
est castitas impudicis, corruptis integritas est
pœna, Luxuriosis est aduersa fragilitas, Crude-
libus est semper dura misericordia, Impiis pie-
tas non ferenda. Hinc hominum sua errata re-
dargui

*Xistus
tertius
Pontif.
Max.
Epist.
de malis
doctori-
bus, operi-
bus fidei
& futu-
ro Iudi-
cio.*

dargui nolentium, in concionatores exarsce-
runt inuidiæ. Ea est & fuit, Beatissime Pater,
omnium ferè temporum deflenda calamitas,
quod, cum omnes, veritatem inuocare, colere,
demirari, & reformationem, oculis in Cælum
sublatis, per strepere videātur, nemo tamen cor-
ripientem se, sustinere potest: Hoc enim ha-
bet humanæ naturæ conditio, vt aliud nolit au-
dire, quàm quod animo decreuerit exercere;
haud absimilis, febricitantibus aut ineuitabili
morbo laborantibus, qui etsi multos sibi me-
dicos adhibent, nullam tamen ad crebra reme-
dia, corporis valetudinem recipiunt. Hanc
amaritudinem, hoc inuidiæ uenenum, experti
sunt, post Christum, post Apostolos, multi sin-
gularum ætatum principes in Ecclesia uiri, qui
pastores constituti, vt ordinata custodirent, er-
rata corrigerent, uitam & mores subditorum,
verbo & exemplo componerent, sua doctrina
& meritis, Ecclesiam Dei non aliter quàm hic
solus, mundum illustrarunt, vt ex tam multis
paucos commemorem, Athanasium Alexan-
drinum; Chrysostomum Constantinopolitanæ
Ecclesiæ præfectum, Gregorium Nazianze-
num Cappadocem nobilem, ex singulari diui-
narum literarum scientia, Theologi nomen

affecutum. Scribit & Augustinus se impietate, *2. cōfess.*
& malitia auditorum, scolam & cathedram de-
feruisse; Cambyfes & Zammeris Magi, cum
suis discipulis ad internecionem usque irruunt;
in Taurinum Aurelianēsem Episcopum, quod
cum viuento nec dictis nec factis contendere
potuissent Nec verò attinet, patiētiam vestram,
Beatissime Pater, eorum commemoratione su-
peruacanca onerare, qui passi secundum vo-
luntatem Dei, fideli Creatori, commendarunt
animas suas in benefactis suis. Cum verò ne-
mo nesciat, hoc idem inuidiæ venenum omnes
illos ueteris Ecclesiæ ministros, in Apostolis,
atque adeò Christo Domino nostro, exemplū
statuentes, posteris omnibus propinasse, Mi-
nus mirum videbitur, Beatissime Pater, si, in
prædicatione Euangelij & Theologica profes-
sione, quidam tantum consequi non potuerint,
quin, in maleuolorum quorundam rerum om-
nium bonarum fastidio laborantium, calumni-
am (quam non solum falsam criminum impo-
sitionem, sed & eorum quæ rectè & sincerè ex-
plicari possunt, peruersam interpretationem
appello) inciderint. Quæ eò frequentior inter
homines est, quo facilior, Nemo enim inquit
Augustinus vnquam ita locutus est, ut in omni
bus,

Hester.
16.

bus, ab omnibus intelligi potuerit, ut uideamus in hac Theologica professione, antesignanos illos, Christianæ Religionis, non modo solidissima fundamenta, sed & clarissima lumina, præclare in munere suo versatos, hanc inuidiæ calumniæque labem, uel inuitos ad infamiam hominum subiisse. Quod quidem stratum, agnoscimus esse ueteratoris illius & uersipellis Serpentis rugientis, cui hoc maximè conuenire scribit Beatus Cyprianus, seruos Christi, mendacio lacerare, ut opinionibus falsis, gloriosum nomen infamet, ut conscientiæ sanctæ, quæ uirtutum lumine clarescunt, alienis rumoribus sordidentur: quo Spiritu nequam, acti multi, quibus aliena uirtus semper suspecta est, ut optimus quisque formidolosus: Multi; inquit Rex magnus Artaxerxes, bonitate principum & honore, qui eis collatus est, abusi sunt in superbiam, & non solum Regibus subiectos nituntur opprimere, sed tantam sibi gloriam non ferentes, in ipsos, qui dederunt, moliuntur insidias, nec contenti sunt gratias non agere beneficijs, et humanitatis in se iura uiolare, sed Dei quoque cuncta cernentis arbitrantur se posse fugere sententiam, ac in tantum uesaniæ proruperunt, ut eos qui credita sibi

officia diligenter obseruant, & ita cuncta agunt,
vt magna laude digni sint, mendaciorum cunctis
culis conantur subuertere, dum aures principum
simplices, ex sua natura, alios æstimantes, callida
fraude decipiunt, Quæ res & ex veteribus probatur
historiis, & ex iis quæ geruntur quoti-
die, quomodo malis quorundam suggestioni-
bus, Regum studia deprauantur. Quæ dæmonum
& hominum tendiculæ, multorum conscientias,
huc atque illuc, vt Cæcias nubes, pertraxerunt,
vt minus de Christo, & ecclesia, quam oportebat,
in summa rerum necessitate cogitarint: Ideo *Psal. 2.*
que Regius vates, vbi gyganteam illam, & per-
petuam pugnam regni & mundi, conatusque ir-
ritos aduersariorum Christi & Ecclesie, citra sa-
luterum Christi auxilium depinxisset, inquit:
Et nunc, Reges, intelligite, erudimini qui iudica-
tis terram, seruite domino in timore & exulta-
te ei cum tremore, Apprehendite disciplinam,
nequando irascatur Dominus & pereatis de via
iusta. Quibus sanè verbis sanctissimus Rex &
propheta David, adhortatur omnes & Reges
& principes, ad sanctam beatamque deditiõem,
vt sese, inquam, sponte Domino Regi Christo
subiiciant, eiusque verbo auscultationem per-
quam beneuolam præstent, Primogenitum vni-

uersæ creaturæ suscipiant, disciplinam seu reprehensionem benignè sustineant, cui solū inimicus est animus, qui vel errando eam nescit esse saluberrimam, vel odit ægrotando medicinam: Sic enim, eorum saluti optimè consulitur, omniaque ex animi sententia fœlicius multò, per Regis summi Dei benedictionem contingunt, & quam, à subditis obedientiam exigunt, facile impetrauerint, si Deo, eiusq; Vicario Pōtifici Rom. debita iura nulla auctoritate violauerint. Quod quam verum sit, ex sacris literis facile dignoscetur, in Saule quidem, primo Rege Israclitarum, Salomone, Roboamo, Iora & Ochosa, qui quandiu in lege Domini ambulauerunt, victorijs clari, per celebres extiterunt, præuaricati verò legem Domini, miserandos, & se dignos exitus experti sunt, Eadem de Manasse & cæteris ratio. Ex quibus concludendum, totam Regum & Regnorum fœlicitatem, ex obseruantia diuini cultus, Infœlicitatem verò ex contemptu & negligentia religionis prouenire, Testes amplissimi, Abia Rex, Iosaphat, Ezechias, Iosia, qui, vnicum inter Reges Tribus Iuda lumen extitit. Quæ cum ita sint, o Reges, o principes terræ, seruite Deo in timore, ne aliquid iniquū, tentetis in subditos per potentiam, ne Reimpub.

31

cl

pri-

priuatis tantum vestris commodis studentes ne
 gligatis, Apprehendite disciplinam, suscipite
 reprehensionem, & increpationem iuxta legē
 & verbum, quod saluti uobis futurum est, ne
 pereatis de uia iusta: Probate spiritus an ex Deo
 sint, ne quis uos seducat, ne quis vos decipiat
 per inanem philosophiam & elementa huius
 mundi, blanditijs & hominum assentationibus,
 tanquam ad Cyrenum voces, aures vestras cera
 occludite: Plerique enim subdoli operarii in do
 mibus vestris, o principes, similes muscis circum
 uolitantibus ut obseruent partem, qua uulnus
 uos aliquē geritis, ut mordeant, eaque se satiēt;
 Videntes permultos sanctissimos uiros, nec au
 ro, nec argento, nec cæteris rebus omnibus, qui
 bus mortales omnes quasi captiui & irretiti te
 neri solent, à veritatis tramite, ne latum, quod
 aiunt, unguem dimoueri potuisse, dedecoris &
 Infamiae metū, collabentibus manibus supera
 tos (Vt enim pretiosissima quæque sua natura,
 summaque arte leuigata, accepta semel macu
 la, quanuis exactissime emundetur, nō possunt
 non nisi ad infamiam, vestigium aliquod retine
 re, sic uir quantumlibet bonus, Ganeonis cuius
 dam oris uirulentia perfusus, & dente Theo
 nino læsus, uix ac ne uix quidem facere potest

*Inst. mar
 tyr. con
 tra Tri
 phon.*

*Huiusge-
neris exē-
pla mul-
ta sunt
apud Iu-
lium A-
pol. 1. &
2. et apud
Xert. 2. 11
modi*

(adeo hominum varia sunt hodie ingenia, ve-
suspicionis labem ex hominum mentibus, pe-
nitus euellat, emaculet) a decennio, ne superio-
ra tempora repetamus, acuerunt, vt loquitur
propheta, linguas suas sicut serpentes, & viros
spectatæ auctoritatis, fidei singularis, doctrinæ
admirabilis, ratæ probitatis, proditiōis, sedi-
tionis, Idolatriæ, ac alijs nefandissimis rumori-
bus, voce & scripto, nec præmonentis Dei com-
minatione, nec futuræ iudicijs ultione ter-
ritos, inculsarunt, infamarunt, Quo suspitione uiola-
ta eorum fides et virtus, veritati doctrinæ, licen-
tius reclamaretur, atque auctoritati detrahere-
tur, quo eadem exosi principibus, sibi uel silen-
tium imponderent, uel de illa redarguendi liber-
tate, vere apostolica perterrefacti, non nihil re-
mittant. Quamobrem, multi de silentio si-
bi indicendo, prudenter magis quam Christia-
ne, meo iudicio, cogitarunt. Quis enim (in-
quiunt) in ea, qua versatur humanum genus, in-
firmitate, ac malitia, non elegerit ac potius
malit, eum, aliqua suarum fortunarum iactu-
ra, silentium, quam dicendo, nihil aliud quam
odium querere, præteritam vitam, exanthlatis
labores pro Christo et ecclesia, denique quod
superest vitæ tempus, sinistra quadam seditio-
nis,

nis, perturbationis suspitione, apud Catholi-
 cam sedem fordari, commaculari, in cuius sen-
 tentia conquietescere, & in eius existimatione es-
 se, pulcherrimum semper putauit, Ioannes Ba-
 masenus. Itaque Nanzanensis, cum Constan-
 tinopolim ciuitatem, hereseon purgatam erro-
 ribus, ad catholicam fidem adduxisset, quod
 omnium summum amorem conciliare debue-
 rat, multorum parauit inuidiam. Ita regium est
 cum benefeceris male audire, Nain magna su-
 borta seditione Nanzansem rediens, delectio
 successore, totum se ad contemplationem, &
 feruorem diuinarum rerum contulit. Ita
 perturbat sapientem calumnia, ut prope perdat
 robur cordis illius, superflue etiam positis ex-
 tra ecclesiam resistimus, si ab his qui intus sunt,
 vulneramur. Si filij Israel non audiunt, quomo-
 do audiet Pharaon? Verum enim vero in tanta a-
 nimorum & opinionum varietate, quasi inter
 Syllam & Carybdam positi, in spe & patientia,
 qua leuius fit, quidquid corrigere nefas est, ad
 Dominum, oculos conuertamus, qui nouit pios,
 de tentatione eripere, impios vero, in diem lu-
 dicij reservare cruciandos. Audiamus quid
 loquatur in nobis Dominus, & cum Apostolis
 spiritu sancto incalcescit, dicamus, Non possu-
 mus

mus vocati, & iussi, quæ vidimus, quæ audiui-
mus, quæ scimus, non loqui; in reprehensione
sanè, pro zelo veritatis neque tardandum, ne-
que dissimulandum, sed opportunè & importu-
nè ingerenda est nolentibus doctrinæ veritas;
Liberet ecclesiastes, in cathedra doctrinæ, ani-
mam suam: Quid illi detractiones, odia, quid
irrisiones, quid Ludibria, quid persecutiones?
fœlix mors quam veritas peperit. Sic Paulus:
vbi ex vinculis suis progressum euangelij osten-
dit, in nullo inquit confundar, sed in omni fidu-
cia, sicut semper & nunc magnificabitur Chri-
stus, in corpore meo, siue per vitā, siue per mor-
tem: Mihi enim viuere Christus est, & mori lu-
crum; Meminerimus duorum Apostolorum
Petri ad Christum, si oporteat me mori tecum
non te negabo; Thomæ ad Coapostolos, Ea-
mus & nos & moriamur cum illo. Quando-
quidem Christiani perfecti vel esse non possu-
mus, vel durare diutius, cum non solum datum
sit nobis vt in Christum credamus, sed vt pro
eo patiamur, si ad hoc ventum sit, vt perditorū
minas, insidias, oblocutiones pertinescamus, Me-
minerimus; Apostolos omnes, carceribus &
oculeis conclusos, angustiatos, verberibus cæ-
fos, fustibus percussos, multisque alijs suppli-

Gerson
tomo 4.

ad Phil.
1.

cyp. epif.
ad fra.
lib. 3.

ciorum & cruciatum generibus, post prophetas et intermedium Ioannem Baptistam, diuexatos: Sic enim catholica mater omnium Ecclesia, per totum orbem longè lateque diffusa, in ipso capite Iesu Christo adocta, contumelias Crucis & mortem non timere didicit, magis magisque roborata est, non resistendo, sed perferendo. Cedo, iam, ad consolationem nostram, ubi Herodes? ubi Pilatus? ubi cæteri prophetarum, Apostolorum, & Martyrum, Cæsares cæsares? In inferno, ubi sempiternus horror inhabitat. Quæro, ubi Ioannes, ubi Petrus, ubi Paulus, ubi cæteri, qui digni habiti sunt pro nomine Iesu contumeliam pati: In Cælo, cum Christo triumphât, pulchriores equidem, mihi videntur, catenæ Pauli, armillis, vincula Petri, optabiliora, purpura Neronis, malum Carcerem Ioannis, quàm tronium Herodis, coronam Martyrum, quàm diadema Regum ciulatum & fletum Innocentum, quàm Herodianorum tripudium, & psallentes uoces, ulcera Lazari, quam byssum & purpuram diuitis epulonis. Nunquam autem valde mihi placuit, nostrorum politicorum, illud inter Christianos, tam crebris sermonibus usurpatum, Seruiendum temporis, Quid enim quæso est,

est, seruire tempori, quàm hominum uitis indulgere, quàm dissimulando, peccatis aliorum, communicare; quam hypocritam esse? vt singulari quadam epistola, venerabilis Gersonius ostendit: Equidem Deo seruendum non tempori: Etsi enim multa sunt interdum, in quibus adhibenda sit amphora Epicteti, & quæ pro necessitate temporum aut conditione ætatum & locorum temperanda videantur, eatenus tamen perferenda, quatenus citra contumeliam Creatoris & proximi offensionem dissimulari, tolerarique posse videbuntur. Ac licet veritas, in corripiendo dicenda sit, ipsa tamen, aliqua honestatis, pudoris, & opportunitatis specie uestièda est, nec quælibet veritas, eodem modo est detegenda, nec omnes æqua sorte reprehendendi, Senioreni ne increpaueris, inquit Paulus, sed vt patrem obsecra, sic ratio ordinum, ætatum, morum, pensanda est; sic importunitas Pauli, suam habet opportunitatem, Atque etiam prudentes medici, solent ex male affectis corporibus, vitiosos humores paulatim educere, ne si semel vniuersum exhaurire uoluerint, quos sanare conantur, perimant. Ergo, carissimi, nolite peregrinari, in seruire qui ad tentationem uobis fit, quasi noui uobis aliquid acciderit, sed cõ-

fi

muni-

1. ad Ti-
mot. 5.

1. Pet. 4.

municantes Christi passionibus, gaudete, ut & in reuelatione gloriæ Dei, gaudeatis exultantes: Si exprobramini in nomine Christi, Beati eritis, quoniam quod est honoris, gloriæ & uirtutis Dei, & qui est eius spiritus super uos requiescet. Nemo autem uestrum pariat ut homicida, aut fur, aut maledictus, aut alienorum appetitor, si autem ut Christianus, non erubescat, glorificet autem Deum in isto nomine, quia tempus est ut incipiat iudicium a domo Dei. In omnibus ergo, exhibeamus nosmetipsos, sicut Dei ministros, providentes bona, non solum coram Deo, sed etiam coram omnibus hominibus, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, in uigiis, in ieiuniis, in castitate, in scientia, in longanimitate, in suauitate, in spiritu sancto, in caritate non ficta, in uerbo ueritatis, in uirtute Dei, per arma iustitiæ, a dextris, & a sinistris per gloriā & ignobilitatē; per infamiā & bonā famā, ut seductores & ueraces, sicut qui ignoti & cogniti, quasi morientes & ecce uiuimus, ut castigati et non mortificati, quasi tristes, semper autem gaudentes, sicut egentes, multos autem locupletantes, tanquam nihil habentes, omnia autem possiden-

2. Cor. 6.

Ephes. 4.
& 6.

E tes

tes, Induamur armis Dei, ut possimus stare ad-
uersus carnem & sanguinem, aduersus princi-
pes & potestates harum tenebrarum, Necessè
est enim cum qui voluerit, in hoc professionis
genere pro dignitate versari, ut Apostolorum,
confessorum & Martyrum recolendo memo-
riam, habeat Zelum cum scientia: Nam sine
Zelo, tepidus & frigidus erit, sine scientia indi-
cretus & temerarius, Fortitudinem, ab inhabi-
tante spiritu, quæ in despicientia rerum huma-
narum & contemptu mortis spectatur, qua lo-
quatur in conspectu Regum & non confundat-
ur, qua confirmatus Paulus, inquit, Quis nos
separabit a caritate Dei, a persecutio, an fa-
mes, an sublimitas, an profundum? Patientiam
quæ necessaria est ut quis perseueret, Vitæ san-
ctimoniam sine qua, cum oratione, haud du-
bie digna reprehensione corripimur & blasphe-
matur nomen Dei inter gentes, reique omnium
habemur qui nostro exemplo perierunt. Idcirco
Apostolus omnes, in uno Timotheo edocens,
inquit: Præbe te, in omnibus exemplum bono-
rum operum, in doctrina, in integritate, in gra-
uitate, verbum sanum. et irreprehensibile, ut
qui ex aduerso est, vereatur nihil habens ma-
lum dicere de vobis, faciunt enim aduersarij
Rhetor-

2. *Thim.*

3.

Rhetorum more et consuetudine, qui ex persona, inuidiæ et calumniæ occasionem captant, cum vel improbare doctrinam, uel quod in proposito est assequi non possunt Summa planè omnia ac prope diuina in eo requirenda uidentur, qui in alterum dicere paratus est, ne qui gloriatur in lege, per præuarcationem, ut inquit Paulus,

Rom. 2.

Deum in honoret, & probrosæ uoces in eum coniiciantur, Qui alios doces teipsum non doces, Medice cura teipsum: Dixit et Deus, peccatori. Quare tu enarras Iustitias meas & assumis testamentum meum per os tuum. Ponamus, quæso, aliquem non dum mysteriorum nostrorum, rationem accepisse, qui audierit, Christianismum esse, imitationem diuinæ naturæ, et Christianum esse imitatore[m] Christi, nonne qualem uitam expertus fuerit, tale et nostrum numen diuinum existimauerit? Si Itaq; omnis omnis boni exēpla uiderit, bonum haud dubiè, credet esse numen quod veneramur, si uerò affectibus plenus aliquis similem bestiis uitam degat, atque alias in alias pro affectuum varietate transformetur formas, multasque ferarum, pro varia morum ingenique mutatione induat species, ac referat, nonne per uitam suam id consequetur, ut quod a nobis creditur

Psal. 44

esse numen, digna ab Infidelibus reprehensione
corripiatur, Ita profecto se res habere videtur:
Esto aliquis, qui pingendi artem profiteatur,
atque huic imperetur a Magistratu ut his qui
procul habitant, Regis imaginem efformet ac
in sculpat, Si turpem aliquam ac deformem in
tabula sculptam Regis speciem, Imaginem, no-
minarit, haud dubie, credendum est indigna-
turam potestatem, quod species illa Regis, di-
gna Imperio, propter Pictoris nescientiam, ab
exteris improbetur et minorem quam decuit a
populo honorem excipiat. Qualem enim in
immagine & figura principem spectandum pro-
ponimus, talem & eius formam principem, quæ
in animo est, coniiciendam exhibemus ac con-
cludimus, Ponamus denique uaria, ex diuersis
generibus & professionum ordinibus, quædam
exempla, aliquem scilicet, qui se Medicum pro-
fiteatur, nunquam tamen vel de principijs
physicis disputarit, uel geometriam didicerit
Oratorem qui artis Rhetoricæ præcepta, & fo-
rensem strepitum accusantis & Rei nunquam au-
dierit, nonne merito, uterque plausu manuum sibilo,
et cachinis ut circulator et præstigiator explo-
detur, ludo et scola detrudetur? Eodem prorsus
se habet in re proposita modo, arroganter, sibi
quis

quis Christiani nomen vsurpet et Christianæ
professionis scopum, et finem scrutando se in-
uenisse dicat, renuat autem esse id, et vita, quod
Christiani nomen, pro nobis pollicetur, expri-
mere, nonne nomen e mentitus; hypocrita; præ-
stigiator, schenobates aut cybisteres dicetur,
Ac in eum non iniucundè quadrabit, quod ab
externis de Simia pantomima, vulgo circum-
fertur. Aiunt in Alexandria, Circulatorem ac
prestigiatores quendam, exercuisse atque ita
docuisse Simiam, ut agilitate quadam, in formā
et habitum saltatricis sese componeret, eique
saltatricis apposuisse personam, ac vestem de-
disse exercitio conuenientem, Cumque, ei Cho-
rum adhibuisset, placuisse; ac celebratam ho-
minum sermonibus, quod ad cantilenæ modos
& numerum sese flecteret & contorqueret, Ac
per omnia quæ faciebat & facere videbatur, na-
turam occultaret, in prætio fuisse: Cum autem
rei nouitate capti essent spectatores, quidam cæ-
teris astutior, Ludo inhiantibus, iucundo spe-
ctaculo ostendit, Simiam semper esse simiam,
etiā si induatur purpura, Acclamantibus enim

Gregor.

Nysse.

ad Har-
mo.

uitant. Illam uerò nihil cunctantem, ut uidit ante chorum dispersa amigdala, oblitam saltationis & plausuum et vestis, accurrisse ad ea, manuumque palmis collegisse, quæ inueniret, & ne sibi ipsa impedimento esset, personam ori celementer detraxisse, vnguibus suis assumulatam formam corrupisse, atque ita pro laudibus & admiratione, risum abundè spectatoribus mouisse, ut quæ turpis ac ridicula, ex personæ reliquijs, sese conspiciendam præberet: Ut ergo illi, non satis fuit, falsa, assumulata, adscitaque forma, ad hoc, ut homo existimaretur, deprehensa, per ingluuiem bellariorum natura, ita qui non syncerè ipsam naturam vera & viua fide per caritatem operante formarunt, faciliè per diaboli escam & ingluuiem, quod aliud sunt atque præ se ferunt ac profitentur, conuincuntur, Pro caricis enim vel amigdalæ aut huius generis alimento vana gloria, ambitio, lucris studium, uoluptatis desiderium et similia huius generis, mala diaboli annona, auidis hominibus loco bellariorum proposita, simiarum animos similes, facile prodent, qui per fictam imitationem, Christianismum simulant, temperantiæ, mansuetudinis, aut alicuius alterius virtutis personam, in tempore afflictionum & calamitatum sibi detrahentes, quibus ad irretiendum satis fallacibus

usi

usi erant aucupij[s]. Quicquid enim facinoris au-
dent homines, aut auaritiæ persuasu, aut uo-
luptatis, aut honoris fallacia patrant, & ut in-
quit, beatus Cyprianus, de ieiunio loquens, nul-
li religionis exercitio, frandulentiùs inanis glo-
ria adulatur, nulli virtuti ità fauor blāditur, Iei-
uniorū sudoribus; laus importuna se ingerit, vir-
tutē in hypocrisim & simpliciter inchoata per-
uertit, quasi tineā, quod erat integrū rodit & oc-
cupat, et sanctitatis fundamenta euellit, subtilis-
simum sanè malum, proprio laqueo hypocritā iu-
gulat, & proprijs armis sanctitatem impugnat,

Quamobrem Beatissime Pater cum Chri-
stiano homini & Ecclesiastæ tam necessaria sit
nomini respondens actio, ut sine ea salutem cō-
sequi non possit, operepretium fecisse vide-
bor, si Christianismi professionem, nominisque
appellationem quasi proludendo inquisiero.

Christianismum ac Christianum a Chri-
sto dici, certius est, quàm vt pluribus agere de-
beamus, Christi enim nomen, etsi Regem signi-
ficet, ac singulari quodam scripturæ usu, re-
gis benignitatem indicet. Tamen quia numen

*Gall. lib.
quod opti-
mus me-
dicus idē
sit & phi-
losophus.*

*Cypr. de
ieiunio
& tenta-
tionib.
Christi.*

ad incorruptibilem Dei naturam Deoque conuenientem, quàm commodè potuerunt, intelligentiam, varijs distinctionum & appellationū generibus, terrenis adhærendo mirè subleuarunt, vt ipsa primùm scilicet omnibus imposita potestas Regni nomine declaretur. Ea verò vis quæ omnibus affectibus perturbationibusque expers est, ab omni pœnitus uitiositate ac malitia aliena, virtutum nominibus designetur, sic ut quælibet virtus, de natura excellentiore tùm dicatur, tùm intelligatur, ut quæcumque his venerandis nominibus expressa, nostro modo, intelligentia; nihil aliud sit, quàm Christus, qui est verissimè Iustitia, sapientia, bonitas, patientia, veritas, uita, pax, incorruptibilitas, virtusque variare nescia, Conuenit ergo, vt, si eius nominis, quod excellit inter ea nomina, quibus incorruptibilis & immortalis natura explicatur, participes esse uelimus, qui per fidem in eum, cum ipso, & per ipsum coniungimur, nobis cum illis omnibus nominis communionem intercedere, ut quemadmodum participatione Christi, appellationem adepti sumus, ita consequutione quadā omnium similium nominū, quibus ineffabilis ac multiplex illa beatitudo explicatur, communionem, ac societatem, asciſcamus. Nam qui, nomen quidem Christi assumit,

mit, & ea quæ in hoc nomine ostenduntur com-
prehenſa, uita non exprimit, ac representat
Chriſtiani perfecti nomē haud quaquā merebi-
tū. Qui enim fieri poteſt, ut Chriſtus, ſit Iuſtitia,
puritas, veritas, omnis mali vitatio, & cumulate
Chriſtianus horum nominū cōmunionem ac ſo-
cietatem aliquatenus in ſe non oſtendat? & qui
verē filius Abrahæ ſit, opera Abrahæ non faci-
at? Concludendo itaque; perquam commodē,
Chriſtianiſmum definiemus imitationem diui-
næ naturæ: Nam & prima hominis fabricatio ad
imitationem & ſimilitudinem Dei erat, Moyſe
de homine, ita philoſophante: Et creauit Deus
hominem ad imaginem & ſimilitudinem ſuam.
Chriſtianiſmi autem profeſſio & ſtatus eſt, ut ho-
mo quaſi poſtliminio, ad priſtinam ac deperdi-
tam peccato hæreditatem, redeat, Hic denique
videtur finis eſſe ſcripturæ diuinitus inſpiratæ,
quam Paulus, inquit, utilem eſſe ad docendum,
ad arguendum, ad corripiendum, ad erudien-
dum in Iuſtitia, ut perfectus ſit homo Dei, ad
omne opus bonū inſtructus, Recte igitur Chri-
ſtianiſmum, imitationē diuinæ naturæ & Chri-

2. ad Thī
moth. 3.

ri potest vt terrenus similis fiat ei qui in Coelis
est? cum ea quæ in natura differentia consistit,
ostendat, fieri non posse, vt imitando quis eò vs-
que pertingat, Qua de re, satis perspicua ora-
Matth. 5. tio est: Non enim naturam humanam cum diui-
na comparari iubet Euangelica sententia; sed bo-
nas actiones, quoad fieri potest bene viuendo imi-
tari, ab omni malitia tùm opere, tùm sermone,
tùm mente vacuos esse, quantum diuina permit-
tit gratia. Id reuera & eius quæ circa Deum cœ-
lestem spectatur perfectionis imitatio est. Chri-
stiani ergo cum simus, Ieiunantem Christū, Orā-
tem, Opera misericordiæ exercētem, Plorantē.
super Hierusalem, & vno nomine christū, cuius
omnis actio nostra instructio est; imitemur, in
nostro corpore, mortificationem eius circumfe-
rentes, vt & vita Iesu christi manifestetur in cor-
poribus nostris, sicut in antiquis veteris nouiq;
testamenti Patribus emicuit, qui impetraturi a
Domino, Orationibus, remissionem peccatorū,
sanitatem corporis, pacem, de Inimicis victo-
riam, immundorum Spirituum recessum, eleua-
tionem mentis ad Deum, virtutum præmia, co-
gnitionem veritatis diuinæ, eiusque beatifican-
tem visionem, ieiunijs animas suas affixerunt,
eleemosynis peccata sua redemerunt, memo-

res

res inquam, nominis christiani & professionis
Christianæ, ingressi hos dies mysticos & purifi-
candis corporibus & animabus sacratius institu-
tos promissa faciamus, testimonijs diuinis cre-
damus, in lege & mandatis Dei ambulemus, ne-
mini demus offensionem, nos maximè intelligo
qui de christiani nominis, atque adeò Sacerdo-
tij dignitate, supra cæteros gloriamur, quos con-
uenit semper laicis esse meliores: In omnibus
exhibeamus nos, sicut ministros Dei, in multa
patientia, in tribulationibus, in castitate, in ca-
ritate non ficta, in virtute Dei & Spiritus, in ie-
iunijs multis, Deum sine intermissione orantes,
vt ad populi christiani salutem & afflictorum
consolationem, hanc urbem, hæc tecta, vestram
que, Beatissime Pater, Sanctissimam clemētiam,
diu multumque conseruet incolumem, vt de-
uictis ac triumphatis Romanæ fidei hostibus,
destructis erroribus uniuersis, Ecclesia Deo se-
cura seruire possit libertate, ac illud excellens
super omnia, diuinæ passionis Sacramentum
purificatis corporibus & animis celebrare, vt
fiat in nobis, per probatam ac dignam corpo-
ris & sanguinis Christi sumptionē, fons aquæ vi-

*Qui docti fuerint fulgebunt quasi splendor
firmamenti: Et qui ad Iustitiam erudi-
unt multos, quasi stella in perpetuas ater-
nitates. Daniel: 12.*